



Pleiv catolica
Medel/Lucmagn

**Messadi
per ils parochians dalla pleiv Medel/Lucmagn
pertuccont la collavuraziun enteifer la regiun pastorala dalla Sursassiala**

**Preziadas parochianas
Preziai parochians**

Nus essan ina pintga pleiv ed igl andament funcziuna bein cun quei che la responsabladad ei repartida sin bia schuialas. Cugl agid da nos augsegners pensiunai vegnin nus d'organiar nossas messas. Mirond anavon tschun entochen diesch onns duvrein nus agid e nus vegnin buca da sedustar persuls. Aschia eis ei prudent da secolligiar cun nos vischins e collavurar dapli.

Dapi il 2018 ei il tema d'ina regiun pastorala vegnius menziunaus. Las treis pleivs ein semessas a meisa ed han adina puspei discussiunau quei tema. Ils dus davos onns ei il project vegnius pli concrets. Suenter bia discussiuns e sedutas ei la problematica dallas finanzas aunc restada. La davosa seduta dils sis da matg 2025 ei vegnida tgamunda da nies vicari general sur Peter Camenzind e da dunna Flurina Cavegn digl ordinariat da Cuera. Lur mediazion ha menau alla sligiazion ch'ei ussa semtgada da vegnir apporrobada dalla pleiv da Medel.

La pleiv da Mustér e da Tujetsch han gia decidu da collavurar en ina regiun pastorala naven dils 1.8.2025.

La suprastanza dalla pleiv da Medel/Lucmagn ha decidu da far part dalla regiun pastorala dalla Sursassiala che va en vigor igl emprem d'uost 2025. Ils parochians e las parochianas survegnan la pusseivladad da decider dalla fatschenta a caschun dalla radunonza generala extraordinaria che ha liug gliendisdis, ils 16 da zercladur 2025 en Sala dalla scoletta a Curaglia.

Messadi pertuccont il contract dalla regiun pastorala dallas pleivs dalla Sursassiala

La suprastanza dalla pleiv ha creau in messadi cun las informaziuns dil contract.

Intent

Las treis pleivs dalla Sursassiala secolligian per organisar ils fatgs dalla messas, dalla liturgia e dalla pastoraziun. Quei vegn organisau digl ausegner da Mustér e d'ina persuna d'assistenza pastorala. Ils survetschs duein succeder risguardond la grondenza dallas pleivs e da lur participaziun finanziaria.

Organisaziun

La regiun pastorala creescha ina cumissiun administrativa pils fatgs administrativs. Tala vegn tgamunada dil president dalla pleiv da Mustér e vegn secundada d'in representant da Tujetsch e da Medel.

Augsegner menader

Il spiritual da Mustér ei augsegner-menader dalla regiun pastorala.

Emploiai per la pastoraziun

Per saver pastorar ellas treis pleivs enquera la regiun pastorala gidontras e gidonters per collavurar ella pastoraziun, per organisar la liturgia, per scolaziun da carschi, per luvrar culs giuvenils, cullas differentas gruppas, sustener la veta religiosa e sustener ils catechets e las chatechetas.

Igl augsegner ei persuna da contact persuerter. Per fatgs administrativs ei il president dalla cumissiun administrativa responsabels.

Engaschis

La regiun pastorala va en vigur cun igl emprem d'uost 2025. La piazza dall'assistenza pastorala ei dotada cun 30%. Rilana Cadruvi ei vegnida elegida en quei post. Ils partenaris intendan da slargiar il pensum sin 80%.

Cuosts

Ils cuosts cumpegnan: tuttas pagas dils emploiai, las prestaziuns socialas, tscheins per la casa pervenda, tscheins per auter persunal spensas, cuosts decidi dalla cumissiun d'administraziun.

Finanziaziun

Mintga pleiv paga 1/3 da 10% dils cuosts totals. Ils cuosts restonts vegnan reparti tenor il diember dils parochians.

Secretariat

Il secretariat da Mustér ei responsabels d'administrar ils pensums che sedattan dalla collavuraziun, dils cuosts e dil contact culs emploiai.

Ductrina

Mintga pleiv ei sezza responsabla pils fatgs da ductrina.

Cuoz dil contract

Il contract cuozza treis onns e sa pér suenter vegnir visaus. Las partidas secunvegnan d'analisar silsuenter il contract e da discuorer da midadas.

Tgei cuosta la regiun pastorala per nossa pleiv?

La regiun pastorala procura per Medel ella sitauziun actuala che dunna Cadruvi ei engaschada per 30% cuosts da frs. 16'600.-. Cu la piazza dall'assistenza pastorala vegn alzada (tenor declaronza dils pertuccai sin 80%) sesaulzan ils cuosts sin frs. 25'000.-. La suprastonza dalla pleiv ei sefatschentada culla damonda schebein nus vegnien da prestar quei. L'analisa muossa che nus savein far cun quels cuosts calculai in pign gudogn e che nus savein finanziair nossas expensas annualas.

Val Medel, ils 20 da matg 2025

Per la pleiv da Medel



Arnold Flepp



Gabriel Venzin-Marty



Emil Pally